

Kristín Halldórsdóttir, þingmaður Kvennalista:

„Sjáum ekki aðra leið færa en að lögbinda lágmarkslaun“

„OKKUR er einfaldlega nóg boðið og ég held að mjög mörgu fólk í landinu sé nóg boðið, að í landinu sé ákveðinn hópur fólk sem geti ekki með nokkru móti fengið tekjur sem duga til framfærslu,“ svaraði Kristín Halldórsdóttir, þingmaður Kvennalista spurningu blaðamanns Morgunblaðsins, þess efnis hvers vegna Kvennalistinn hefði alls ekki vilja gefa neitt eftir, hvað varðaði kröfuna um lögbindingu lágmarkslauna. Kristín sagði þetta þegar hún kom af fundinum þar sem stjórnarmyndunarviðræðunum var formlega slitid í gærkveldi.

Kristín sagði jafnframt: „Það var okkar markmið að tryggja það að allt fólk í landinu hefði tekjur sem dygðu til framfærslu. Það var markmið sem við vildum að ríkisstjórn sém við tækjum þátt í setti sér, að öllum væru tryggðar tekjur sem dygðu til framfærslu. Við sögð-

um í upphafi ekki aðra leið færa, úr því sem komið er, en að lögbinda slískar lágmarkstekjur og við teljum einfaldlega síðleysi að gera ekki allt sem í okkar valdi stendur til þess að ná því marki.“

– Fannst ykkur ekkert það koma fram frá fulltrúum Sjálfstæð-

isflokkks og Alþýðuflokkks í þessum viðræðum, sem sýndi að þeir væru reiðubúnir til þess að koma verulega til móts við þessa frumkröfu ykkar?

„Ég held að allar þessar viðræður, sem eru orðnar nokkuð langar, hafi einkennist af miklum vilja til þess að ná samkomulagi. Það var hægt að ná samkomulagi um markmiðin í sjálfa sér, en það var ágreiningur um leiðir og á því strandaði.“

– Þessi jákvæði tónn í garð þessara viðræðna, er hann kannski vísabending um að þið gætuð hugsað ykkur frekari viðræður við þessa sömu aðila, á síðari stigum stjórnarmyndunarviðræðna?

„Ég skal nú ekkert segja um það, en ég sé ekki þann möguleika á þessari stundu. En viljinn var fyrir hendi, og við reyndum virkilega til þrautar, eins og formaður Sjálfstæðisflokkssins sagði í kvöld, að ná þessu markmiði á einhvern máta, en það strandaði á því að trúin á það hvaða leiðir skiluðu okkur að þessu markmiði var mismunandi hjá viðræðuaðilum.“

Kristín sagði að kvennalistakonur stæðu einhuga að baki þessari afstöðu og um hana hefði enginn ágreiningur verið.